

當陽縣志卷九

祠宇志

古祠

邑之壇廟列祀典者詳矣至玉泉亦有顯烈祠河溶亦有文昌宮他如雙忠祠四賢堂楊公祠之類皆前代有功德於民至今祠宇未盡廢也附於壇廟則溷抑之寺觀則誣茲別為一類列於祠宇之首雖曰民間尸祝然蜀祭諸葛潮祀昌黎人心所繫千百世不忘可也志古祠

雙忠祠在治東南七十里柘林灘上舊祀申包胥屈原二大夫今廢按遺址猶存俗名老廟坡

北關廟在北門外河街

顯烈祠在玉泉寺北內祀關聖珠泉經其前嘉慶二十二年丁丑傅相阮文達公方制楚閱

兵過此題額曰最先顯聖之地

漢忠義祠在西門外內祀張桓侯趙常山以都督趙累等三人配乾隆二十四年縣令苗肇岱倡建

張趙祠在治北五里官橋今廢

張桓侯廟在西門外咸豐二年居民重建

當陽縣志 卷之九 祠宇 古祠

宜昌印書館承印

文昌閣在東門城樓道光三十年重建按乾隆二十八年邑人吳極捐地二分以廣基地

文昌宮在河溶又文峯塔亦有文昌宮內附祀劉猛將軍

青雲閣在涪溪內祀文昌

四賢堂在玉陽山舊祀宋儒唐質肅胡文定朱漢上陸象山四先生亦名玉陽書院今廢

二趙祠在萬城祀宋趙方趙葵父子今廢

四公祠在玉陽觀旁邑人建舊祀明巡撫趙賢巡道王垓鄧林喬郡守趙睿四公報修城之功也今廢

楊公祠一在北門內明崇禎間鎮守副總楊正芳有捍賊功邑人建祠祀之今為白衣菴木主猶存一在河溶久圯前邑令王械倡捐修復有碑記其事祠前借修塘汎云

節烈祠在署右今遷神牌於東門節孝祠內



會館附

禹王宮卽湖南館會一在西門外長坂坡下湖南商民公建一在河溶下街同治初年長沙鄭敦祜倡捐鼎建

關帝宮卽山陝會館一在東門內乾隆丁未西商建成豐中重建一在清溪萬壽宮卽江西會館一在西門外乾隆壬寅年豫章商民公建一在河溶天后宮卽福建會館在河溶鎮

鄂城書院卽武昌會館一在南門內道光十七年修一在河溶鎮道光八年建

按當邑民風醱樸務重農桑市井中懋遷服賈者大半自遠方來僑居既久各建祠宇以爲恭敬桑梓地聳翠流丹足令山川增色矣舊志止山陝江西兩館茲推而廣之附於古祠後亦見商賈輻輳爲民物滋豐之一助云

當陽縣志

卷之九

祠宇 古祠

二

宜昌印書館承印

寺觀

祇園蘭若幾徧寰區論者恆以方外置之然名山大川林泉幽勝之處往往樓閣參差照耀雲霞詞客騷人於此騁遊覽寄吟詠焉矧前代碑碣及鐘鼎遺文流傳於琳宮梵宇間閱千百年猶有存者雖葺爾一邑其勝蹟爲不少也著之於篇以備稽考當亦藝林所不廢云志

寺觀

玉泉寺在治西三十里卽智者禪師道場隋開皇初勅建賜寺額詳玉泉志乾隆二十四年知

縣菑肇岱倡捐修毘盧殿天王殿並寺前石橋餘詳山水

東禪堂有講經臺般舟堂敕書樓西禪堂有十方堂藏經閣文殊樓傳燈樓

柴紫菴在玉泉寺左有堂曰淨名明萬歷時公安袁宏道建宏道與其弟中道嘗讀書於此

大通寺在玉泉寺東楞伽峯亦名七里松

度門寺在玉泉寺東卽神秀道場有碑唐張說撰文盧藏用書

一音寺在玉泉寺東亦智者道場今廢俗呼爲音寺岩見山川志

大雲寺在治西南二十五里乃真公蘭若卽南菴

龍泉寺在治北十五里晉孝武時慧遠法師駐錫處

清溪寺在治東四十里晉遠公道場明永樂十三年重建

觀音寺在東北九十里漳河口隋大業己酉年建爲邑中十五寺之一溪河自東北來繞寺後

而右南入於漳漳河自西南來經寺前而東又折流而南兩水潏洄四山環繞亦勝境也
觀音寺在河溶元至正間建

紫蓋寺在治南六十里唐貞元中天皇悟禪師建餘詳山水

慈化寺在治東南二十里唐黃龍禪師建左環溪水右帶沮河

富里寺在治東南五十里

報恩寺在治南一里山水縈環林木幽秀爲附郭諸刹之冠

三星寺在治東六十里傳爲唐一行禪師道場

郝母寺在治東四十里元延祐七年廣福禪師建

雲披寺在治東三十五里

洪山寺在治南三十里

聖水寺在治南四十里唐德宗時爲道明禪師建寺前有石洞名聖母歲旱禱雨多應

紫荊寺在治南六十里明永樂十三年勝義禪師建

普通寺在治南七十里

潮音寺在城西北隄上層峯拱向林木清幽

圓通寺在治北五十里晉遠公道場內有晉武帝點明宣德二年了能重建

當陽縣志

卷之九

祠宇 寺觀

三

宜昌印書館承印

普濟寺在治北六十里永樂間秀峯禪師結廬於此

五印菴在治北明天啓間孝廉栗聯芳建

天符廟在城外東南

泰山廟在治南二十里

水府廟一在草街一在北門鄭公隄

玉陽觀在玉陽山明崇禎間主簿王家棟重建

永興觀在治東唐元和中創建宋廢明天順初重建於東門外

燦霞觀在治東六十里圓臺山唐玉真公主建

紫金觀在治東北四十里方山上

